

景定建康志卷之二十五

承直郎宜差充江南東路安撫使司幹辦公事周應合修纂

官守志二

諸司寓治

古今牧守更代已具年表

皇朝諸司置使或兼守或以守兼領或不兼守而寓治于府或非寓治而府遙隸之以某年置以某年省以某年復官制沿革皆宜有考圖之左方如指諸掌各司大要志于圖後

三〇廿八

建康志卷之二十五

都督江淮等路諸軍事

紹興二年四月置寓司建康府呂頤浩張浚繼爲之三年四月詔移司鎮江府隆興元年六月改爲宣撫司尋復二年省

同都督江淮諸軍事建康府措置

紹興二年九月置劉光世爲之尋省

都督江淮東西路建康鎮江府江陰軍江池州軍馬

隆興元年九月置湯思退楊存中繼爲之

同都督江淮東西路建康鎮江府江陰軍江池州軍馬

隆興元年九月置楊存中爲之十一月落同字

都督江淮京湖軍馬

淳祐七年四月置以趙葵爲之兼知建康府江東安撫使九年省

馬

軍

督

都

江

江東淮西路宣撫使

建炎 年置劉光世為之置司池州建康隸焉光世後省

江淮東西路宣撫使

隆興元年六月以都督張浚降授置司建康兼節制本府屯駐軍馬尋復都督

鎮江建康淮東路宣撫使

紹興四年三月置韓世忠為之尋改江淮宣撫使

壽春府滁濠廬和州無為軍宣撫使

紹興元年七月置寓司建康以江東安撫大使知府兼領葉夢得李光繼為之光後省

百九十一

建康志卷二十五

二

江東宣撫處置使

紹興三年置張浚先為副尋陞使浚後省

江南東路宣撫使

紹興五年置張浚為之浚後省

開慶元年十月復置加大使除趙葵未至改除東西路宣撫置司它郡

江南東西路宣撫使

紹興元年置韓世忠為之 詔留建康世忠後省

開慶元年十一月復置加大使趙葵為之寓治它郡景定元年五月省

撫

宣

東

江

撫

宣

淮

江

淮

制

置

江淮西路制置使治建康

建炎三年置兼知府尋省

江淮安撫制置大使治建康

紹定四年十二月置兼知府六年二月省

江淮制置使治建康

開禧三年二月置兼知府江東安撫使嘉定十年正月省

紹定三年十一月復置加大使十二月安撫制置合為一

淮西制置使寓司建康

嘉熙元年三月置以沿江制置使兼領淳祐二年免兼

三九〇六

《建康志卷二十五

三

江

東

制

置

江南東路安撫制置使治建康

建炎三年三月置以知府兼四月省

紹興八年六月復置加大使十五年四月省制置惟安撫使仍舊

沿江制置使治建康

建炎三年八月始置紹興元年六月省

乾道三年九月復置六年二月省

開禧二年六月復置

嘉定二年九月復置紹定三年十一月改江淮制置紹定六年復舊

右或以江東安撫使知府事兼領或兼知府事及撫使或為使或為大使氏名並載年表

江

江南東路安撫使治建康兼馬步軍都總管

大中祥符三年置五年省

宣和三年復置建炎三年五月以制置合為一

四年省制置二字安撫仍舊

紹興八年二月加大使六月又以制置合為一

十五年省制置二字安撫仍舊

右安撫制置或併為一或分為二或二使相兼或置

一省一視時緩急也或兼守或以守兼或主管公事

或為使或為大使視官崇卑也氏名並載年表

撫

建康志卷二十五

四

屯

江淮制置專一措置屯田

開禧三年置淳祐元年改

節制和州無為軍安慶府三郡屯田使

淳祐元年二月置以沿江制置使兼領二年加節制二字

使

營

江南東路營田使

淳熙二年三月置

田

使

以江南東路安撫使兼

都督府

同都督

督視

唐武德二年以江寧府爲揚州東南道行臺置尙書省七年改行臺爲大都督府領上元金陵句容丹楊溧水溧陽六縣襄邑王神苻檢校揚州大都督九年徙江北治江都

皇朝紹興二年四月二十七日 制以呂頤浩依前特進尙書左僕射同中書門下平章事兼知樞密院事都督江淮等路諸軍事參謀官二員參議官二員主管機宜文字二員書寫機宜文字一員幹辦公事

三の千五

建康志卷二十五

五

官十員准備差使文臣十員准備差使大小使臣各二十員准備將領使喚十員參謀官差戶部尙書李彌大祕書少監傅崧卿參議官差直顯謨閣李承造左宣教郎劉寧止隨軍轉運使差左司郎中姚舜明崧卿除徽猷閣待制舜明寧止除祕閣修撰承造除直龍圖閣○閏四月四日 上諭呂頤浩曰卿耆艾有勞今總都督之任方以大事委卿不當復親細務昔諸葛孔明罰二十以上皆親之司馬宣王以爲必不能久唐太宗諭房杜聞公聽受詞訟日不暇給安

能助朕求賢乎卿自今凡事繫大體者裁決其餘細務闊畧可也○八日呂頤浩言逐路如有潰散軍兵無歸百姓散走藏匿乞令招收使喚逐旋具數申奏仍乞降庚牌旗榜二十副付頤浩招收使用從之○七月二十四日徽猷閣待制都督府參謀官權主管本軍事傅崧卿言奉 詔呂頤浩赴 行在奏事職事令崧卿權行主管頤浩見任宰相領都督之職元降 指揮於今來事體有窒礙合行申稟行移文字除三省樞密院自合依舊用狀六曹用獨銜申狀除

三司人

建康志卷二十五

六

兵將官及屬部官司仍用劄子外餘並用公牒其牒以主管府事爲名一逐路應統兵大小將帥並許聽節制一欲乞內江東安撫大使司一路事務崧卿自可與李光會議商量與決餘兩大使司并餘路分並乞且從逐路大帥依已得便宜指揮一面施行其都督府元留下諸頭項人馬未有降下聽崧卿節制明文一元降 指揮許從便宜施行訖具奏今來權行主管府事卽難以行用乞從申 奏或申都督乞詳酌施行 詔元留下人馬權令**傅崧卿**節制餘並從

之○九月二十八日呂頤浩等言都督府申請到畫
一指揮見遵依施行外今來同都督諸軍事官一員
見欲總兵起發前去建康府措置緣畫一指揮內止
許辟差參議官二員幹辦官十五員準備差遣文臣
十員今來防秋是時全藉官屬分頭協力委是數少
除同都督官許差本宗有服書寫機宜文字官一員
幹辦官五員準備差遣文臣十員其辟差請給理任
等並依已得指揮從之○三年正月八日 詔差戶

部侍郎姚舜明前去建康府將應干都督府承 朝

廷支降并諸官司起發到及本府應干取撥錢物糧
斛並仰姚舜明專一總領仍於都督府選差有風力
諳曉錢穀屬官四員充糧料審計司監官其應干都
督府管下官兵幫勘請給等並經由戶部糧審院依
條批勘支給其江東路轉運司合應副都督府錢糧
事務並就近聽戶部措置施行時以都督府請依舊
例差戶部長貳一二員前來專一總領大軍錢糧故
有是詔○四月七日三省言已降 指揮 建
康府置司所有都督府合移於鎮江府照應兩軍機

務 詔都督府移司鎮江府○五年二月十二日

制以左通奉大夫知樞密院事張浚特授左宣奉大

夫守尚書右僕射同中書門下平章事兼知樞密院

事都督江淮諸軍事○六年十一月二十日 詔都

督行府江上措置邊事一行官吏軍兵諸色人等備

見勤勞可令張浚等第保明以聞○隆興元年六月

十四日 詔少傅樞密使都督江淮軍馬張浚特降

授特進依前樞密使江淮東西路宣撫使○七月四

日 詔江淮都督府官屬並改充江淮東西路宣撫

使司初浚以符離之役降特進 上曰罷樞密使

督府為宣撫使至是參贊諸軍事陳俊卿奏降官示

罰古法也亦其自請改都督府為宣撫司恐人情觀

望號令不行 上曰此未可也及殿中侍御史周操

論官爵者人臣一己之私有罪隨即貶削乃分之宜

若都督之名實國家用人之權柄豈得亦行遞減

上曰此論甚善可與復都督府康伯等奏已有指揮

詔浚之子栻候到日降指揮 ○八月八日宰執進呈

上曰善繼又曰不必候栻來 降授特進樞密使張浚見措置江淮軍馬理宜增重

事權 詔可復都督江淮軍馬○九月二十一日特

進尚書左僕射同中書門下平章事兼樞密使湯思

退特授都督江淮東西路建康鎮江府江陰軍江池

州屯駐軍馬餘如故○二十三日太傅寧遠軍節度使楊存中可除同都督江淮東西路建康鎮江府江陰軍江池州屯駐軍馬○二十七日湯思退楊存中劄子言臣等蒙恩除都督已降指揮以江淮都督府爲名臣等同議如同在置司去處只合用都督府印其奏狀榜示同行僉書或分在兩處亦合以江淮都督府爲名合用印通行繫銜仍於階下聲說行在或出使庶得事權歸一從之○二十八日湯思退楊存中劄子又奏臣等契勘昨孟庾韓世忠克宣撫使副日兩

員共差置官屬三十員張浚獨員都督差過官屬二十二員使臣監當官在外今來臣等係兩員今參酌裁減差置下項參贊軍事元差二員係從官已行除授參謀官乞不差置今乞差參議官主管機宜文字主管書寫機宜文字各二員幹辦公事四員准備差使六員點檢主管書寫文字共三十人分撥一半先次隨逐存中前去從之○十月一日詔中書門下省檢正諸房文字兼權戶部侍郎王佐充都督府參謀官從湯思退之請也○二十三日湯思退言臣備

位宰相被命督師惟敵人雖已議和而奉使尙未過界屯邊之兵數十百萬當此霜嚴不無暴露之歎臣欲擇日同屬官起發至淮上宣布德意撫勞師徒從之○二十七日湯思退劄子奏臣契勘先請降到犒賞金銀五十萬貫已附楊存中先次將帶前去乞更支降五十萬貫乞於左藏南庫支降見椿糴本銀內支一十二萬兩并見在金內支三千兩從之○十一月六日 詔朕屈已遣使欲安軍民而虜情變詐遠爾稱兵所有魏杞等將帶禮物金銀瓦帛可令都督

府拘收及於左藏南庫支撥見錢三十萬貫令都督江淮軍馬湯思退將帶前去並充犒軍支用○七日詔王之望可除同都督江淮軍馬湯思退依舊帶都督可只在朝差王之望充督視限兩日起發既而王之望辭免從之○同日湯思退言恭奉 聖旨令臣依舊帶都督在朝竊緣臣備數宰相旣預軍國之任今來不去淮上不應復領都督職事欲望聖慈特令解罷其一行官吏軍兵等日下放散各歸元來去處○九日 詔同都督江淮東西路軍馬楊存中可特

授都督江淮東西路軍馬○十四日 詔昨湯思退請降到激賞金銀官告等並撥赴楊存中充激賞支用令樞密院差使臣二員管押前去○乾道元年二月六日都督江淮軍馬楊存中言邊境緩靖臣依奉聖旨赴闕奏事所有江淮都督府伏望特降 睿旨立限給局應諸軍功賞疾速保明聞奏○淳祐七年四月十八日 制以通奉大夫知樞密院事兼參知政事長沙郡開國公趙葵可特授樞密使兼參知政事督視江淮京西湖北軍馬依前通奉大夫長沙郡

三〇九

建康志卷二十五

十一

開國公加食邑一千戶食實封四百戶續奉 御筆兼知建康軍府事 行宮留守江南東路安撫使五月二十六日就鎮江府交割職事○八年二月招泗獲捷五月奉 聖旨轉三官○葵奏曰邊頭事勢緊急督府之建不容不權一時之宜事勢稍緩便當結局蓋將士有支犒之費官吏有廩給之用况其他費用又倍尋常臣自被命開府以來仰體國用匱乏凡朝廷科降銀絹錢米一毫不敢妄費而支用已覺瑟縮只以支犒泗城及斷橋功賞一項爲數計參百餘

萬金銀牌器不預焉若不早行結局其何以支况今
諸郡城壁堅固將士勇悍韃賊又經摧敗之餘度無
緣尙如前日懷輕視之心以制臣任固圉之責朝廷
又每事應接儘足以屏蔽藩翰所是督府乞行結局
欲望聖慈宣諭大臣檢會臣累次奏請早賜施行如
此則不惟朝廷無度外之費且使諸邊閭臣得以一
意任責其於國事實非小補 詔荅曰朕燭知邊情
念不可不先事而備乃授督鉞總師干卿位冠樞臣
身膺隆委營度上下流不以暑寒輟日討軍實而申

傲之表淮襄江氣勢聯合固已得勝算矣虜猶襲前
跡而動負恃其衆輒大入闖我泗城睨我盱楚邊吏
以遽告賴指授孔夙諸將士爭奮勇鏖擊虜震壞不
能支旣又螳聚南北堧梯橋築甬欲爲久駐計我師
急攻竟使失勢潰以去連年虜盜邊未嘗壹大治無
所懲今犬羊敗衄徙靡庶知其憚中國乎卿之功甚
偉覽疏洵致解嚴請且以兵費爲慮義不辭難忠於
體國此卿素所蓄積者歌出車勞還豈非朕所欲然
狡謀叵測武備當益謹及此時籌思永圖若稽田厥

既蓄勉終其畝幸爲朕小留益以成卿勲名顧不美
歟○**奏**又奏自寇退之後屢具奏關乞早放結局之
命至今未準回降臣亦以專委督機朱申前去泗上
覈實功賞攷犒將士未見支遣錢物實數不敢疊冒
天聽今月初一日朱申已回幕府一一出豁了當兼
據朱申體探事情賊酋自敗衄之餘多已北遁目今
天氣向熱春水日生所謂撓耕踐麥之謀未必再舉
督府結局茲惟其時臣區區愚慮此去秋風已無多
日正不可因寇退而忘後圖若督府結局則邊閫必

能專任其責不然則彼此含糊徒費時日其於邊備
尤關利害欲望聖慈檢照臣累次奏請特降結局指
揮容臣退歸田里少休神觀他日或有繁難任使謹
不敢避○五月初六日 宸翰賜**奏**令帶職入奏○

十二月二十八日

奏

奏曰去歲賊騎深入兩淮繹騷

由春涉夏愈無忌憚誤蒙聖斷俾臣視師臣受命以
來亟攷軍政外而城守之踈畧內而舟防之簡陋悉
力措置大畧就緒而賊之重兵已聚淮泗仰憑國威
隨就勦却事定之後累十數疏告 陛下乞還田里

溫詔勉諭至于再三御筆許以來春臣時以諸事尙
欠綿密亦恐前勞俱廢所以更不固辭一年之間凡
關備禦知無不爲事粗靠實自念忝備大臣不敢纖
悉而言今幸三邊皆無動息且新春在目曉縱有哨
騎所在足可支吾臣自揆何人叨竊已過但期粗了
國事自來不解身謀廟堂烏可以久居衰病委難於
入奏兼臣兩年督府除元科降之外並不曾再科一
錢一粟勉強撐拄至今若不結局委成徒費除已見
行攢類結局文字纔候春哨不入便當拜疏乞祠併

督府印繳奏○九月正月葵奏曰督府兩年支費浩
瀚屢欲陳乞科降而不敢若結局稍遲則用度愈多
立見匱乏乞速降結局指揮○二月又奏今來春序
過半邊聲帖然雖據諜者所報如三汉口如蘄縣如
蔡州皆有些小賊馬住坐不過張耀虛聲防吾攻掠
况自二月以來風雪雷雨淮水驟漲茫洋如海水面
上有闊二三十里者據諸處報水勢逐日增長賊雖
有武騎千羣無所用之目前決可保其無他况行府
一應文書錢物軍馬器械之類悉已攢類具成帳冊

除合寄留建康府外所有元來科降銀絹官告度牒
並不曾支動分毫及有用不盡官會見已差從事郎
新除武學諭兼督視行府準備差遣胡大昌武功大
夫閣門宣贊舍人特添差江南西路馬步軍副總管
江州駐劄仍釐務督視行府計議官兼都總轄許國
定管押裝船起發解還朝廷作院已行住工軍馬已
行區處外別無不了事件兼以諸司明知督府結局
行移往來已多解體見行劄下令制司及沿邊諸郡
各自任責措置備禦若結局指揮尙復悠緩則人情

三ノリヌ

建康志卷二十五

五

事體愈見渙散關係甚重謹再具奏聞欲望聖慈特
降睿旨日下結局容臣歸老田里實拜隆天厚地之
賜所有建康府合行遴選守帥併乞宣諭宰臣速賜
施行其督府一行官屬昨具奏關乞與在外合入差
遣欲望聖慈速賜處分○閏二月 制授蔡金紫光
祿大夫右丞相兼樞密使長沙郡開國公加食邑一
千戶食實封四百戶第七次辭免乞畀祠官 制除
觀文殿大學士醴泉觀使兼侍讀仍奉朝請

宣撫使

皇朝置宣撫使始於咸平宣撫置司建康則始於紹興○紹興元年五月一日 詔宜令江南東路安撫大使呂頤浩兼充壽春府滁廬和州無爲軍宣撫使○五月十六日被 旨宣撫司合行事件並依呂頤浩昨任江東安撫大使日所得畫一指揮施行每歲撥錢四十萬貫米二十萬石○七月十六日江南東路安撫大使兼知建康府充壽春府滁濠廬和州無爲軍宣撫使李光言合辟參議官二員已辟宗頴外

三〇五十一

建康志卷二十五

六

更乞差左中大夫盛旦從之○九月二十四日 詔

太尉武成感德軍節度使韓世忠充江南東西路宣

撫使○三年三月二十七日 詔太尉武成感德軍

節度使神武左軍都統制充江南東西路宣撫使韓

世忠可特授開府儀同三司充鎮江建康府淮南東

路宣撫使○四年三月二十四日宣撫使韓世忠言

昨來申所屬官乞依舊例其參謀官係與轉運使副

官參議官與知州軍朝請大夫已上叙官機宜幹

辦公事並依發運司主管文字叙官准備差遣與簽

判叙官今準 朝旨宣撫司參謀參議官與提舉茶
鹽官叙官機宜幹辦與通判叙官竊慮屬官叙位不
應降等兼紹興令發運司主管文字幹辦公事在所
部通判之上今來宣撫使司機宜幹辦公事却與通
判叙官顯見宣撫使在發運使之下詔參謀官係知
州資序人與提刑叙官參議官係知州資序人與轉
運判官叙官機宜幹辦公事並依發運司主管文字
叙官○六月一日鎮江建康府淮南東路宣撫使韓
世忠言乞依昨任江南東西路宣撫使日已得畫一

指揮行移除安撫大使外用劄子從之○七月三
十日 詔鎮江建康府淮南東路宣撫使司行移本
路帥司用公牒所部縣並用劄子○十一月二十日
江南東路淮南路宣撫使司言本司官屬內幹辦公
事三員準備將領五員準備差遣準備差使各五員
緣今來事宜之際軍事繁冗全要官屬辦集卽今見
有官屬數少委是幹當不前乞依韓世忠例添差逐
色官屬庶幾易爲集事從之○五年正月十八日
詔武成感德軍節度使開府儀同三司克鎮江建康

府淮南東路宣撫使韓世忠除少保依前武成威德
軍節度使充淮南東路宣撫使鎮江府置司○三月
六日三省言劉光世韓世忠見充淮南西路宣撫使
緣逐軍見在鎮江府太平州屯駐 詔劉光世兼太
平州宣撫使韓世忠兼鎮江府宣撫使○三月十三
日定江昭慶軍節度使開府儀同三司江南東路宣
撫使張浚言本司參議官左中奉大夫直祕閣史愿
見係添差通判嚴州欲望特賜改差平江府添差通
判候交割了日乞令帶行見任依舊權本司參議官

將來事平日罷本司職事前去供職從之○六年十
一月十四日諸路軍事都督行府言朝廷今欲恢復
中原所賴者正在諸大帥幕府尤要得人自兵興已
來士大夫一人軍中便竊議而鄙笑之指爲濁流皆
緣朝廷未加審擇一聽其辟差故所用之人或坐罪
廢或報私恩或因應副或出于求貪利覓官畧無去
就之節有更十年而不退者如朝廷稍擇賢才以重
其選乞應軍中屬官悉以二年成資替罷立爲永格
詔應宣撫司屬官許本司奏辟或朝廷差除選人依

舊三年外餘並以二年爲任如願留再任者聽本司
申取朝廷指揮○十一年四月二十七日詔韓世
忠張浚已除樞密使副其舊領宣撫等司合罷遇出
師臨時取旨逐司見今所管統制統領官將副已下
並改充御前統制統領官將副等隸樞密院仍各帶
御前字入銜○四月二十八日詔韓世忠張浚宣

撫官屬並優與陞等差遣○紹興三十二年七月八

日孝宗已卽位未改元張浚除少傅依前觀文殿大學士充江

淮東西路宣撫使建康府置司進封魏國公○十月

三十七

建康志卷二十五

九

二十九日江淮東西路宣撫使司言本司屬官欲依
四川宣撫司主管機宜文字與監司幹辦公事與知
州序官從之○隆興元年六月十四日詔張浚特

降授特進依前樞密使江淮東西路宣撫使節制建
康鎮江府江陰軍江池州屯駐軍馬試尙書禮部侍郎
陳俊卿降授左朝散大夫充敷文閣待制參贊軍
事唐文若降授左承議郎尙書戶部員外郎馮方降
授左承事郎直祕閣查籥差充江淮宣撫使司參議
官都督府官屬並改充江淮東西路宣撫使司○七

月七日 詔昨都督府進討特許便宜行事今都督府已罷應宣撫司軍事並合聞奏取旨其前降便宜指揮更不施行○八月八日 詔宣撫使張浚依舊都督江淮軍馬詳見都督○十二月二十八日張浚言昨承恩降節制兩淮後來改除宣撫都督江淮軍馬二年防秋偶免曠闕除臣與近上官屬自不當陳乞所有臣隨行官吏軍兵并應辦軍前實有勞効之人欲望從臣保明比附前後宣撫司督視府等處并日體例特賜推恩施行從之

制置司

制置使自建炎始置初以安撫制置合爲一後析爲二或以制置兼安撫或以安撫兼制置或省制置併其事於安撫司近年專以制置司爲重而安撫司之事則甚簡矣江淮制置或合爲一或分爲二又或以沿江制置兼淮西制置近年惟沿江制置仍舊常兼節制和州無爲軍安慶府三郡屯田使其初有使有副使有大使後省副使侍從以下充使尙書以上充大使其兼知建康府者已詳于表今以制置司沿革

大概志于左

建炎元年六月二十六日詔右司員外郎劉寧止除直龍圖閣同提領水軍沿江制置副使○閏八月一日詔奉議郎徽猷閣待制淮南西路制置使胡舜陟除沿江都制置使知建康府兼江南東路安撫使王羲叔沿江制置副使○二年二月呂頤浩扈從至秀州除資政殿學士同簽書樞密院事江淮兩浙制置使引羸兵千餘人守揚子江乃沿路召募潰散之兵得四五千人就鎮江府之北枕江下砦與金人對岸

相持僅一月頤浩被甲乘輕舟時於江中往來督責軍將官以舟濟渡江北被虜逃歸官員士庶軍兵家小及選募敢死之士過江遇夜燒劫虜砦又分遣兵將官沿江上下招集潰兵金人北去 朝廷命頤浩領江寧軍府事○紹興元年九月二十六日詔江東西湖南路上供錢糧久失措置夏秋二稅上戶拖欠不催下戶受弊逐路盜賊尙衆至今招收未盡可差戶部尙書孟庾帶見任充江東路宣撫制置使其應干財賦拘催蠲放依 條照赦施行務要寬恤民力

其上供錢糧催促依限起發應賊盜當招收或掩擊者並委相度措置條具聞奏○三年八月二十三日上宣諭宰執曰史正志條具舟師利害其間有可行者魏杞奏曰見史正志之論甚有理 上曰欲早行措置蔣芾奏曰 陛下將來要差大臣出使不若先遣史正志他時可爲參贊 上曰便差知建康仍兼沿江制置使自建康至鄂渚舟師並令總之○八月二十九日新除集英殿修撰知建康府兼沿江制置使史正志言契勘今沿江制置司除專一措置水軍

海船要爲久遠利便之計所有合用印記今乞於禮部關借奉使印前去專充制置司使用所有規差僉廳一司官吏竊慮耗費財用今只就用安撫司僉廳官吏兼制置司職事却乞復置省罷闕請給依安撫司屬官例屬官所帶銜位稱江東安撫司沿江水軍制置司所有庫務更不別置凡有修造船隻教閱支費就用安撫司錢物並從之○四年三月十四日史正志言乞將到任後節省到錢內支撥見錢十萬貫收係制置司水軍赤歷於出產木植州軍收買板木

就建康自置船塢增造一車十二槳四百料戰船相兼使用從之○六年以後省制置司至開禧二年六月復置以朝請大夫寶謨閣待制知建康軍府充江南東路安撫使葉適兼沿江制置使三年二月十六日除寶文閣待制兼江淮制置使專一措置屯田○三年九月十四日以朝散大夫寶文閣待制知建康軍府事江南東路安撫使徐誼兼江淮制置使○嘉定元年正月五日以資政殿學士通奉大夫知建康軍府事江南東路安撫使丘宙改除江淮制置大使

兼知建康府○八月十四日以觀文殿學士金紫光祿大夫知建康軍府事江東安撫使何澹兼江淮制置大使其後龍圖閣學士楊輔及龍圖閣待制黃度寶文閣待制劉棨相繼皆以知府安撫兼江淮制置使○嘉定十年省江淮制置使○十二年九月復置沿江制置使以中奉大夫寶文閣待制李大東爲之兼知建康府江東安撫使後因之○紹定三年十一月十八日改沿江制置使爲江淮制置大使趙善湘爲之四年十二月又改江淮安撫制置大使○六年

七月以後復改爲沿江制置使李壽朋陳鞞別之傑杜杲董槐趙以夫相繼爲之惟鞞加大使○淳祐七年六月趙葵開督視府省制置司○淳祐九年正月督府結局復沿江制置司吳淵以端明殿學士充使兼知建康府江東安撫使其後王埜丘岳馬光祖趙與憲繼爲之惟與憲加大使○開慶元年三月資政殿學士馬光祖自京湖制置大使改除沿江制置大使兼知府事江東安撫使○四月空日準 尙書省劄子備文思院申準尙書禮部符備準 尙書省劄

子鑄造沿江制置大使司印一顆事本院除已遵稟
指揮勒令人匠如法鑄造一切了畢當官逐一點對
得篆文並無差錯所合申解赴 尙書省繳納給降
施行隨狀見到伏乞照會事右并封圓銅印一顆劄
送沿江置制大使司照應交收訖申 尙書省準此
大使馬光祖率叅議官以下於五月初十日望

闕遙謝祇受行用○九月虜酋忽必烈領重兵偷渡
濟黃州 詔光祖進司江黃應援漢鄂景定元年三
月虜遁江面肅清光祖回司有 詔獎諭賜金幣尋

三百五十五

建康志卷三十五

三五

進資政殿大學士職任依舊

詳見年表

制置司僉廳記金陵古都會 行闕在焉自昔國於

江南而有志中原者未嘗不以此爲根本我 朝南
渡以來每遣重臣屈畱鎮守凡使命之出往往卽是
而開幕府意者墜居江淮之咽恢拓有幾則可以整
駐 鑾輅指撝關河承平無事則可以謹護風寒藩
屏 帝室固今天下之重鎮也粵自督眡宣威次第
省併而沿江制置之名始建於開禧二年之七月待
制葉公適首膺是選越明年春易沿江爲江淮迨嘉

定初元宣使趙公淳實爲制使而又以資政卮公密爲大使其年夏竝 召還未閱月復以總餉李公洪區處制司事務又兩月觀文何公澹以知府行大使事是後更代不絕嘉定十二年 朝有分制之議閣學李公大東荐來帥守始復爲沿江制置使沿江之名於是乎定然逆數創司至於今無慮二十餘載而賓寮無僉議之舍文書無庋藏之所寶慶三年春二月先生自京口易鎮開藩問俗之餘首詢諸司幕府所在畚之者曰某所爲帥某所爲府制司則前是所

無節制司則附庸制司雖官吏亦未嘗有也先生喟然歎曰安有名爲顓閫而下行一郡江防之事職在兵機而曾無畫婉奠居之墜耶手疏其事亟聞於朝別爲節制一司顓官兼僉擬之職 廟謨可之一日見敗屋數十楹介於設廳之東偏問之則曰公使酒庫也因集寮屬而命之曰糟丘靡密之務何得繕居於此盍爲我徙之麗譙之外以其墜爲制司議舍俾節制司附焉咸曰諾於是空其餅壘一撤而新之東序西嚮大門宏啓旁接府治所以便諮詢也東直

南嚮危樓中峙名曰議事所以諸僉謀也樓之下屋
基博礎戶庭四闢拾級而升者制幕之廳事也廳之
陰朱門墜壁明窗而曲檻者制幕之燕坐也廳之左
循除而下簷牙高隊傑出乎修廊之上者節幕之廳
事也深入十餘步上爲複屋闢室如廳事之數東面
而虛曠者節幕之燕坐也極目連甍之表有亭翼翼
竒葩怪石叅錯乎前修竹拂墻清流闖戶者兩幕之
圃也迴廊曲屋區別明分周環於左右前後者兩司
之吏舍也東廊之外列屋二十餘穹瓦層樓鱗次而

角出者諸司之架閣庫也以至阜隸候伺之所庖滷
猥微之墜洪纖小大莫不各適其宜而咸備其次焉
眠帥司若府凡僉舍之素具者大有逕庭矣合而計
之爲屋一百四十楹作興於寶慶丁亥十月二十八
日竣事於紹興戊子三月初二日工以庸計凡二萬
四千錢以緡計凡一萬一千米以斛計凡九百五十
無非撙節公費而爲之未嘗請於朝也蓋先生天
性冲澹雅意簡編凡而宴游之事交饋之禮一切拒
卻而不疑冗蠹旣蠲帑積日裕用能費出於公而民

不知有役役必計庸而人不知有勞真所謂不擾而
辦者既落成好問因率同列請記其事先生曰務名
之舉余之所羞也故所至公宇之建未嘗揭姓名於
上棟間而況敢爲文乎好問復固請曰一司存之修
廢夫豈足爲先生重輕特弗可無以識歲月使來者
知所自始耳先生曰論如是子盍自爲之而吾無須
也好問退而繹之夫運籌帷幄之中然後可以決勝
千里之外兵機固貴於密也而賓幕之無定所烏在
其能密哉然則先生此舉非徒美觀瞻而已也壯威

重而已也處其中者必思有以副先生之望而後可
用是歷敘顛末姑以俟他日大手筆之採擇焉先生
諱善湘字清臣濮園五世孫登丙辰進士第由淮西
制置移京口六年除理鄉兼刑侍未幾以待制寶章
閣來分闈云門生儒林郎差充沿江制置司幹辦公
事呂好問撰門生承直郎辟差充建康軍節度推官
兼制置司僉廳趙深夫書門生宣義郎差充沿江制
置司準備差遣葉案篆額門生文林郎差充沿江制
置司準備差遣孫定立石○**景定重建僉廳記**自王

茂宏以幕府名山金陵幕爲天下重其來遠矣我
國家中興置陪都猶古京洛也襟帶江淮鍵關東南
緩急常先四方每開制置府 聖天子必選重臣蒞
之其一時賓佐多元戎所自辟常爲天下選寶祐乙
卯秋資政殿大學士裕齋馬公自京尹來爲畱守領
使事越二年易鎮京湖策應夔府上以金陵之思公
也明年復歸之鎮公先嘗總西饗至是命復兼焉凡
所領四司事三軍之號令黜陟征調餼給與夫統理
所部之氓故亦繁矣公率戊夜起拊紙束卷連筆颯

颯然立剖神決拊去根株銖兩不忒閫事辦則府吏
驚行進矣晝漏未下饗事亦如之退與賓客四鄰交
奏記表請耳受口誦一一詹舉出視議舍井井無一
敢懈者公之再鎮也淳祖嘗以新安貳郡辱置幕下
一日公會僚佐曰秋風動矣我輩當惜分陰顧事無
一不當豫者僉署下窄弗稱畫諾其議改築旣而淳
祖以公辟守康廬謀報鞞虜由武沙闖江南犯鄂矣
公遂提師至江黃雨雪載塗往來池口間數四下流
恃以爲固丞相汎清江漢中外底寧公亦旋軍治所

及淳祖被召過而謝焉間行塵邸則見民熟其仁軍
聞其律吏遵其法凡先賢風烈之可紀足以爲崇化
厲俗之方者靡一不舉青溪白鷺之上斧藻連雲如
跋斯翼入游幙辨則堂除昉列粲然華好矣諸賓佐
請於公命淳祖記之淳祖不敢辭也常從諸從事後
竊聞之惟公足以一眾惟廉足以厲俗惟勤足以集
事惟敏足以有功公以一身兼之氣剛志正自其知
行所至旦晝不能忘寒暑不能變壯老不能易也夫
事會無涯精神有限以清虛玩歲月以談笑資功名

憂國者所諱也公之作新斯宇豈不爲相與任事者
地與鸞鳳集林必將爲治世之鳴杞梓在園必聚爲
大厦之器公之愛士以爲國也固將取材焉諸君子
其毋忘公志皆曰敢不敬蚤夜以毋忘公之志役始
於 月乙亥成於十月乙未門生朝散郎新除祕書
郎陳淳祖記

淳祖題名記

嘉熙改元十有二月制使大學尙書別

先生自姑孰分闡金陵是時首被羅致者叅議官則
嘉禾李曾伯機宜文字則東嘉黃漢章幹辦公事則

古書吳堦準備差遣則番陽王應辰入幕之初讀重
修議舍記規撫一新知其昉於紹定改元之春實大
資趙公分闡之日也繼詢題名石刻則前未之有官
寺題名所在皆然沿江大幕府乃因循未立非闕典
歟因呼老吏叩曩昔幕屬姓氏其歷年之多者往往
不能省記今自紹定改元以後衰次而登諸石庶來
者有考焉夫題名特一事耳自堦濫巾幕下凡三見
改歲至是始克立其亦有時乎淳祐改元上巳日堦

謹書○寶祐續題名記國朝之制凡州縣吏弋命已

三

建康志卷二十五

三十一

上非坐授則銓注不可已自選也可自選而辟召者
惟二三閫寄此大幕府所已號小朝廷也然命於上
者其賢不肖才不才不能盡滿人意諉曰非成致也
選於下者必吃類之相感才德之相若苟非其人則
將諉諸誰乎韓子所謂知其客可已仰其主知其主
可已仰其客顧不區重邪淳祐十有二年春余叨

恩分闡金陵望輕責重凜然思亞旨漁東僚羅士島
島如亞邁蓋不徒取其虛名必求其寔用不徒取其
姿畫必資其忠規不徒取其苟同必盡其異見閱歲

再暮羅而致者寢廣智足以立吏忠足以勤上惠足以存下而又侈之以詩書六藝之學其眠湖南之宥客殆無愧焉故雖才品或殊職守有異而相觀爲善者莫不粹然一出於是是亦一昔之盛也幕府舊有題名間亦斷續偶得正石迺斷自余始至第其姓氏大書刪之後之來者隨政而繫其下諸君求余言余諭之曰人才之在天下用而後見久而後知但於今者必有以驗於後觀於始者必有以要其終余之與諸君從遊於此也豈特爲一府之用哉

建康志卷三十五

三

蓋將聚天下之才爲天下之用諸君益我其器毀之成勿畔其所守而忘其遠者大者繇是而泯聲寔于天朝人曰此沿江之賓客也則豈惟諸君之榮抑亦余之榮悉之哉遂刪其語於石之皆寶祐二年六月既望金華王埜記

參議

諮議

機宜

計議

幹官

屬官

寶慶

紹定

端平

呂好問 葉 案

吳當可

劉 犀

王夫亨

樓 扶陳傳祖

嘉熙

呂好問

李會伯

黃漢章

吳堦

章玟

陳夢斗

樓扶

周漢老

何自然

黃漢章

吳堦

包恢

孫定

吳堦

劉屋

王應辰任棠

趙汝歷于大節

高斯道張蘊

江萬里

鮑遜

王應辰

二百九十五

建康志卷二十五

三十三

嘉熙

沈先庚 萬文勝 田士遜

謝獻子

章瑑

盧同父

汪誼

王洪祖

趙時詰

杜庶

史祁卿 趙汝孿

曾宏用上官渙然

鄭侃 陳似孫

吳七德 艾慶洪

張天定 許子良

徐案 劉自

趙崇玘

莫與及

曹怡老



季鑰

陸壑

林子庶

吳蒙

李仲鼇

秦九韶

印應雷

孫吳會

徐邵孫

胡居仁

張梗

陳元桂

真志道

李迪

張槩

聶斌

王鑑

馬希驥

印應飛

張架

胡居仁

董烈

劉夢高

崔泰亨

孫一飛

馬揚祖

何宗姚

張嗣寬

趙孟屋

曾堅

孫吳會

馬希驥

薛叔仔

李介叔

陳燧

趙時鑣

潘泉

汪洵之

陳大震

梁椅

陳謙亨

程元岳

袁溪

陳肖孫

周節

舒有開

胡蒙

潘驥

盛敬簡

劉弓

徐道隆

林奎

張炎

王方烈

朱端彝

沈雷煥

洪荷

胡庭芝

汪立信

房堅

陳南美

王雲

李彭老

開慶

張濟之

孫吳會

毛元龍

方澄孫

王泳祖

趙孟憲

王起晦 畢衍

徐道隆 褚一正 王立本

韓大正 盛敬簡

劉宗申

林子謙

吳天澤

吳季子 程宏祖

家之吳 羅龍

景定

程若川

十九

建康志卷三十五

三五

王起晦

劉元高 趙介如

劉夢高

大使馬公光祖創制司屬官廳制司屬官舊無廡
宇或占官屋或僦民居殊失禮羅之意遂於青
溪上兩貢院之間度地鳩工鼎創參謀參議四
位面勢宏濶堂宇靚深爲金陵諸官舍之冠經
始於景定五年五月十一日至九月十一日落
成工物之費總爲錢八萬一千三百一十七貫
有奇

制制司四煥官廳制司屬官舊無廡宇或占官屋或
僦民居殊失禮羅之意大使馬公光祖遂於青溪上
兩貢院之間度地鳩工鼎創參謀參議四位面勢宏
濶堂宇靚深爲金陵諸官舍之冠經始於景定五年
五月十一日至九月十一日落成

安撫司

大中祥符三年八月為將祀汾陰屬江淮不稔令諸路各帶安撫使乃命知昇州張詠兼江南東路安撫使本州駐泊都監李重睿閣門祗候蔣信並為都監仍出手札諭詠等轄下州軍雖不是災傷處亦當安撫無令墮農扇搖逃移官員有貪濁深刻昧於綏撫者速具事狀姓名以聞應州縣蠲納司見收欠負及依省司定限校科無可陪填及該赦勅除放省司未明指揮者並權住區分開坐聞奏○四年六月 詔

三五

建康志卷三十五

三六

曰朕以寡德臨茲庶方靡忘中旰之勤冀洽阜康之治眷言江介迄彼淮濱水旱相仍田疇幾廢緬念黎庶予懷惻然宜令起居舍人直史館李迪為江淮南安撫使閣門祗候張利用為都監存問里閭察訪官吏訊詳犴獄寬節財征務適便宜用圖安集○宣和

三年五月六日

詔江寧府守臣兼安撫使兼江南

東路兵馬鈐轄

臣僚言睦賊猖獗大兵奉行天討已見平靖慮班師之後餘孽尚在理宜

措置竊聞

太宗皇帝嘗以蜀寇雖平尚有殘孽因命趙昌言為安撫招討之神宗皇帝亦命劉瑾知

虔州兼江西安撫兵馬鈐轄今乞以杭越知州並兼本路安撫使鎮撫一方

○國史職官

志經畧安撫使司經畧使安撫使各一人以直祕閣
以上充所領州之寄任而爲之官名掌一路兵民之
事皆帥其屬而聽其獄訟放其禁令定其賞罰稽其
錢穀甲械出納之名籍而行以法若事難專決則具
可否稟奏卽干機速邊防及士卒抵罪則聽以便宜
裁斷○舊制凡諸路安撫之名並以逐州知州充掌
撫綏良民而察其姦宄肅清一道江南東路以江寧
府知府充繼而江南東路安撫鈐轄司言被旨於

沿江置帥府要郡本路帥府文臣一員充都總管武

三十七

建康志卷三十五

三十七

臣一員充副總管今來新制江寧府知府見帶一路
安撫使合與不合便以馬步軍都總管繫銜 詔令
帶馬步軍都總管繫銜○建炎二年三月八日 詔
諸路雖各建帥府然於一路見任官吏初無節制指
揮致翫習常態緩急難以集事宜令諸路安撫使便
宜節制施行○三年五月三十日尙書省言今相度
欲將江池饒信州爲江州路知州帶本路安撫使建
康府太平宣徽州廣德軍爲建康府路知府帶本路
安撫制置使其節制江東路軍馬及江州知州帶江

東湖北四字入銜並除去所貴名正事成號令歸一
任責稍專從之○四年五月二十七日三省言沿江
一帶道里闊遠若只於建康江州兩路置帥或恐照
管不盡緩急有失機會今欲將江南東西路州軍分
置三帥總轄內建康府路安撫使於池州置帥撥建
康府池饒宣徽太平州廣德軍爲所隸契勘建康府
本係置帥去處緣本府至鎮江府不滿二百里相去
太近而往江州計一千四百里遠近不倫獨江州正
在鎮江池州之間若置帥於江州則沿江四帥相去

二石字

建康志卷三十五

三十八

道里甚均實爲利便從之○紹興元年正月十日

詔呂頤浩充江東安撫大使兼知池州餘依已降指
揮○九月一日中書門下省言江南東西路舊以建
康府洪州爲帥府置兩路安撫大使令東路大使兼
知池州西路兼知江州二州地勢僻隘非建康府洪
州比有失 祖宗分道置帥增壯國勢之意 詔江
南東路安撫大使兼知建康府西路兼知洪州池州
守臣今後選差武臣其紹興元降正月十日安撫大
使兼知江池州指揮更不施行○二年四月十二日

詔江南東路安撫大使司准備差遣以辟文臣不得過十五員准備差遣以辟武臣不得過十五員爲定額其見差下人限指揮到並令依條減罷○三年十二月申書門下省言昨除沿江三大使所辟官屬緣當時金人尙未北去兼李成馬進賊馬在近所以增置員額數多今來邊報寧靜別無羣寇其屬官理宜裁損 詔沿江三大使司許置叅謀叅議官主管機宜文字各一員幹辦公事三員文臣准備差遣武臣准備差使准備將領各以五員爲額其溢額人並依省罷法施行○二十二日尙書省言諸帥司所置屬官多寡不同除差卽非 祖宗舊制當別行立定差格 詔江東安撫大使許置叅謀叅議主管機宜文字各一員幹辦公事五員安撫使許置叅議主管機宜文字各一員幹辦公事四員仍並令舉辟叅謀叅議通判以上資序機宜差第二任知縣資序人餘並令錄以上資序人餘依已降指揮

江東安撫使始於大中祥符其後省復不常至於建炎江南東路安撫制置合爲一使自呂頤

浩始後省制置惟安撫使仍舊紹興初置江南
東路安撫大使自葉夢得始後省大字止除安
撫使至紹興八年又以安撫制置合爲一加
使葉夢得復爲之其後孟忠厚張守皆因之十
五年以後並省制置及大字止除安撫使至乾
道三年以安撫使兼沿江水軍制置使史正志
爲之後不兼制置至開禧二年又兼沿江制置
尋改兼江淮制置自葉適始徐誼上密何澹楊
輔黃度劉榘李大東皆因之嘉定十五年復兼

沿江制置紹定四年以江淮安撫制置合爲一
使仍加大字六年仍以江東安撫使兼沿江制
置使餘並省後皆因之或兼制置或以制置兼
或充使或充大使並兼知建康軍府事具載年
表茲不重述自參議以下題名如左

安撫司僉廳碑記

紹興甲寅九言來本司充員幹辦

同舍公事有閒因相顧曰建康在六朝爲都邑北枕
長淮東南引吳會江山橫鶩城闕藹然自
已多用重人 國家南渡嘗駐 警蹕旣幸臨安留
祖宗時

鑰之寄尤藉形勝以寬北顧之憂與往昔又不同非
鉅公名卿罕命幕府賓客亦隨以重然時無外虞疆
吏弗警帥司旣稀任民事職甚清簡晨起入僉廳漏
未盡三四刻卽可歸休胥徒相忘庭宇蕭然金陵多
廢跡或出而登望弔古固多餘暇雖有長才偉智欲
奮勵自見亦何所施若一旦 天子赫然震耀威武
將與仇讐從事則主人多受 旨督視諸將膺宣撫
之任爲參佐者當臨戎授師中權贊畫羽書紛委動
中機會其責豈輕是時雖有長才偉智恐猶弗給况

其下乎而吾人終日袖手燕坐能不少思哉機宜孫
公起曰天下事豈應預料吾徒才智雖未必過人亦
何足預憂姑寘勿問僉廳壁記未立前後幕府或居
承平或當倥偬一時主人成大功興大利亦必有畫
諾之助名氏不著後何所攷余終更去矣欲搜揚載
籍次其歲月而列之顧九言子其秉筆記余初意辭
曰長者在何敢狂斐旣退自念孫公吾先君子長沙
僚寀也何敢辭他無可道說獨記一時慨歎之語雖
此今取機宜幹辦列左方參議秩雖尊亦同入幕備

載其首慶元丙辰季夏建州游九言書○續題名記
金陵陪京護江控淮爲東南第一都會藩與府兩幕
幙之官僚備焉建炎間命兼制置使羅致參佐體統
同而司存異甲兵錢穀制幙主之簿書獄訟府幙掌
之撫帥一司文書遂繇是備官日始旦冉冉趨府已
漏刻下退食自公未有職思其憂者淳祐丁未夏樞
密使趙公被 上旨視師建大都督府朝之名卿才
大夫綜文韜武畫幃籌邊鏗鉤炳耀皆能垂勛名於
竹帛而帥幙僚屬亦於是時壘壘思奮咸以職業自

三才の五九

建康志卷二十五

聖

見盛矣哉余聞岷山多嫫玉武庫多犀器張公殿徐
韓愈輩出烏公鎮河陽溫生石生盍歸乎來聲應而
氣求雲飛而川泳必有內鳴玉外建旄挺挺爲世名
臣如鄉從魏公幙中來者不識其姓名可虜眾曰宜
壁舊有記閱歲久塵昏木蝕屬余易鑿諸石駿之私
竊自喜嘗陪幕議焉敢辭以陋淳祐八年六月朔朝
奉郎添差充叅議官三山陳駿之記迪功郎添差充
幹辦公事東萊呂祖昇書

制使姚公希得任內

初修撫司會廳

景定四年四月

內朔蓋門樓過廊厦屋穿堂兩邊閣位後堂挾
屋兩廊吏舍四十三間增修正廳芙蓉堂等處
計一十一間并丹牖彩畫等工料總費錢八萬
九千貫米二百三十石有奇有題名**在記**留守
安撫制置尚書姚公鎮 陪都之三年政簡以
成川嶽澄宴惠洽明通靡廢不舉顧瞻帥幕屋
老弗能支非所以壯畱鑰之觀聽也迺歲景定
癸亥維夏鳩工度材葺我攸宇踰月而竣役其
庭其楹雄盛森整公大書芙蓉堂顏以絢前矍

天貺節甲寅僚屬入祇厥事濟濟克諧體麟垣
之粹明儼鳳闕其如對各迪乃心永肩忠報匪
徒侈依紅泛綠之麗云幙下士肩山袁煇東陽
樓祥錢塘費應龍九江吳益袁山陳衢上饒鍾
國秀南昌徐琦紫陽趙希瓏潼川馬自持臨印
楊應善天台蕭元英

紹興

參議

方師尹

機宜

呂大舉

幹官

郭契敷

屬官

王漑

楊持

陳一鶚

張敦頤

趙霍

張永年

王端朝

趙公碩

梁大方

傅祿卿

唐如晦

陳升卿

程禧

陳正由

張大允

方純彥

孫聃季

鄭知剛

蔡憲

陳良弼

唐叔玠

一七十一

建康志卷三十五

又四十三

隆興

施均

葉芬

施知彰

章駢

楊祁

嘉道

向子廉

翁蒙之

錢琪

蔡戩

霍文炳

張蕃

呂翼之

李大理

白彥暘

張傑

黃義實

陳損之

邢孝寬

沈雲應

韓琳

周承勛

韋璞

秦桷

丁長卿

韓彤

唐如晦

沈朴

淳熙

辛棄疾

張金

趙彥翱

張大年

朱贊

吳珙

陳訓

李民觀

陳許國

趙不羈

楊慄

莫若晦

支邦榮

楊森

崔敦禮

趙善仁

朱悞

孫長孺

宋宜之

何松

楊克忠

林同

王渙彥

鄭鍔

姚仲欽

王將之

徐容

趙公晰

李昱

沈瀛

黃衡

錢仰之

邢球

張授

趙盛

向子廓

徐大觀

趙不蹠

張栖筠

周時中

趙公升

趙伯琬

孫傑

周玘



慶元

申屠寅

朱軻

陳燾

方叔珪

汪棗

游九言

趙師造

范念德

李直養

姚仲欽

孫元卿

陳

趙不邊

趙汝應

趙汝劼

謝映

于革

韓謀甫

徐濟川

謝棐伯

陳羽

周權

徐筠

趙師復

徐濟

彭

龔日章

錢孜

王

周

蔡

曾

嘉定

鄭擢

陳貴誼

蕭舜咨

危和

吳榮

王田

王

朱侯

彭藻

孫

一百十七

建康志卷三十五

四五

嘉慶

淳祐

周遂

衛勳

魏嶠

徐大節

王觀之

毛自知

歐陽伋

王琮

趙琬夫

趙時鎰

蕭有立

趙崇喆

陳駿之

葛鐸

蔣應炎

陳夢發

趙汝巋

趙植

呂祖异

韓禋

李節

李裕

徐案

李士達

董光

吳堅

建康志卷二十五

四六

虞兢

朱逢

胡崇

麋弁

朱魏孫

曹友諒

宋良才

丘基

許一鶚

羅黃裳

林子庶

王夢得

莫與倫

陳公卿

鄭羽

吳珪

真紹祖

趙孟坦

曹友諒

葉英

馮平國

陸夢發

王渭

朱魏孫

趙介如

金大鏞

韓燮

洪斗祥

寶祐

潘驥

蔡譽

吳邦翰

鄭端

吳已之

徐聞詩

吳湜

何逢吉

廖邦傑

建康志卷三十五

曹澤長

盧選

程其屋

開慶

景定

六十二

趙汝墀

馬世昌

趙與翰

周應合

四七

馬元演

孫自明

制使姚公希得任內

初修建康府都僉廳記

雷都幕

尚矣 國朝盛時西洛僚佐多賢稱於天下倅
日謝希深推官曰歐陽永叔有若尹師魯有若
梅聖俞咸在其選蓋陪京鉅鎮非他幕府比治
中別駕日詣其所參決可否號都僉廳凡所以
鎮邦國施教化統理所部之細者悉於是咨畫
諾焉金陵夙號帝王州自六飛南渡管鑰不
輕畀而簡僚惟謹景定二年冬余承乏居守幸
當邊塵晏清食焉而怠則余豈敢乃搜民瘼乃
討軍實越二載百廢粗舉學校既修社廟既葺
因念是邦臨護之大而議舍湫底庫仄非所以
重賓筵敬民事也於是節浮費之不經者省冗
役之不亟者因地撤而新之廳為間五堂為
間七航齋設其中賓序環其列吏舍翼其旁總
百有四楹堂榜曰此奇取坡公賢茂江東守收
此幕中奇之句也高其閣闕其軒櫺周阿峻
嚴列楹齊同塹塗贖丹內外華好可以俯仰可

五百四十

建康志卷三十五

吳

以談笑斯謂高明游息之道具焉者也視以無
壅氣以不煩政之大小議於是訟之枉直剖於
是物來而名事至而應將無所處而不得其當
矣然則斯宇之作豈無補哉抑吾聞之明道程
子之掾鎮寧也筦庫細務無不盡心事小未
安必與守辯張子韶大書鎮東僉廳之壁曰此
身苟一日之閑百姓羅無涯之苦先儒奉厥職
若是其忠且敬也居是幕者能以二公之心為
心豈獨為守者嘉賴將見惠政被江左聲實流
天朝諸君自此外矣謝歐尹梅獨何人哉會予
有召還之命用伐石為記俾為費二十一萬
來者知作之所始而敬其事云

七千舊楮米八百二十五石

費官會二十五萬餘緡米八百石記金陵自六
飛南渡視昔睢洛異時出近臣開督采石之功
至今幙府有休稱嘉定合江淮建闢後雖析置
其選猶以是望他閩舊有宇介府東偏前閩觀
文馬公以庫陋弗稱撤而改作榜沿江大幙府
規撫度越舊制矣惟門廼吏舍縈折旁出客間
多閣外附廡下屬公召未遑尙書姚公繼之越
明年威暢惠流境以無事一日觴客籌勝顧而

言曰嘻是將以遺我也酒旣屬其事於議曹趙
湜逾月告成葺籌勝處以治事增闢堂二移其
額揭中堂後扁集思堂翼以閣閣東繚以廡橫
貫依綠而南出於君子堂堂與亭皆因舊而加
塗牖循堂右轉中爲便廳左廡右門公書沿江
幙府榜其上門外達廣三丈許前爲大門以舊
榜揭之旣成幙下士相與歎曰公忠忱體國知
無不爲事關於軍如舟師馬政除器補卒關於
民如學校社稷均賦簡役次第舉行而公退食

燕凝老屋數椽安而弗茸嘗試言之人情莫不
欲安公朝夕於政凡可以安遺人者是究是圖
以及於僚吏至其身則安於簡陋推公之心使
進而坐廟堂天地中間一物不獲其所皆我之
責固將以安一方者安四海富貴於公何有哉
既相與歎詠公德則又相與勉曰吾儕安於斯
借箸之籌磨盾之草無幾談笑竟日鴈鶩行進
伸紙和墨書字不滿百午漏未下會且歸矣風
景不殊山川如昨雍公之芳躅可繼而江沱之

宴安不可懷也眾曰敢不夙夜祝規以無忘公
之德公名希得字逢原潼川人時以刑部尙書
制置沿江云景定四年十二月門生朝散郎差
充沿江制置使司參謀官趙時橐記門生朝奉
郎差充沿江制置使司參議官黃蛻書門生承
議郎差充沿江制置使司參議官楊同祖篆蓋

